

14.08.2025

UKA2025/170

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Inuussutissarsiutigalugu aalisartunut piniartunullu inuussutissarsiutigalugu umiatsiaararsinissamut inuussutissarsiornissamut tapiiffigitittalernissaat siunertaralugu, Aalisarnermik piniarnermillu inuussutissarsiutillit inuussutissarsiornernannik siuarsaaneq pillugu Inatsisartut inatsisaata allannguutissaanik Naalakkersuisut siunnersuuteqarnissaannut peqquneqarnissaat Inatsisartut aalajangiiffigisassaattut siunnersuut.

(Inatsisartunut ilaasortaq Jens NapâtôK', Naleraq)

Tunngavilersuut:

Naluneqanngitsutut siusinnerusukkut Inuussutissarsiutigalugu tapiisarneq – ESU-lân – aalisartunut piniartunullu iluaqutaasimasooq atuussimagaluarpoq, ajorluartumilli tamanna massakkut atuukkunnaarnikuuvoq.

Tamanna Grønlandsbankenip erseqqissumik aalisartunut umiatsiaararsortunut taarsigassarsitsineq tapiissaarnini unitsinnikuullugu nalunaarutigereermassuk ajornannginnerulersimanngilaq pitsanngorsimananilu.

ESU aqqutigalugu taarsigassarsiniarneq periarfissaajunnaarmat aamma aningaaserivimmit taarsigassarsineq unitsinneqarmat aalisartut piniartullu amerlasuut pitsanngorsaanermut ineriartortitsinermullu aamma angallatimik taarsernissaannut, motorip taarsernissaanut il.il. periarfissaarutsinneqarput, naak piniarneq aalisarnerlu nunami maani inuussutissarsiutit pingaarnersarigaluaaraat, tamannalu Naleqqap isornartoqartittorujussuuaa.

Ilumoorsinnaanngilarmi nunami inuussutissarsiutit pingaarnersaat aalisarnermik piniarnermillu pissutsit pitsanngortinnissaannut ineriartortitsineq mattunneqarsinnaappat?

Nassuerutigineqassaarlu ullutsinni aalisariutit amerlasuut pisoqaavallaalersimaneri aamma pitsanngorsarnissaannut taarsernisaannullu pisariaqartitsineri. Taamaattumik siunnersuutigaarput aalisartunut piniartunullu ESU-lânimik taarsigassarsitsisinnaaneq ammaateqqinneqassasoq, tamannalu inuiaqatigiinnut tamanut iluaqutaassaaq tassami inuussutissarsiut pingaarneq eqqartorneqarmat.

Upernaaq 2024-mi inatsisartut ataatsimiinnerani oqallisissiatut eqqartorneqarnerani (UPA2024/90) partiinit tamanit taparserneqarpoq, taamaammat maanna aalajangiiffisassatut siunnersuutitut qaqinneqarpoq.

Pisortanut aningaasatigut allaffissornikkullu kingunerisassat

Siunnersuut akuerineqassappat pisortanut ½ AC-årsværkimik aningaasartuutigineqassaaq. Konto 51.07.40 Taarsigassarsisitsinerit erniaqanngitsut taarsersugassaanngitsullu 2020/21-mi aningaasaliisoqarsimavoq, tassani aningaasaliineq 8,4 mio. kr. amerlassuseqarluni. Siunnersuut akuerineqarpat aningaasaqarnermut inatsit aqputigalugu aningaasaliisoqassaaq takuuk Naalakkersuisut akissutaat.¹

Namminersorluni inuussutissarsiuteqarnermut aningaasatigut allaffissornikkullu kingunerisassat

Siunnersuut akuerineqarpat aalisartut piniartullu inuussutissarsiutinik ineriartortissinnaavaat pitsanngorsarlugulu ESU-lånimik taarsigassarsinikkut,.

Innuttaasunut aningaasatigut allaffissornikkullu kingunerisassat

Soqanngilaq.

¹ [023_2024_esu_jnapp_akissut.pdf \(inatsisartut.gl\)](#)